

SANITÉ

La doturia Grete Mahlknecht é demez dal lönesc, 14 de jügn, cina al vëndres, 18 de jügn; ara vëgn sostituida dal dotur Eduard Agreiter, telefon 333 13 80 852

La farmacia Pütia a Picolin é stlütta l'atr'edema dai 20 ai 27 de jügn.

PLOANIES DA SAN MARTIN Y LUNGIARÜ

Les comunités dles ploanies da San Martin y da Lungiarü ti aoda a scolares, scholars, insegnantes y insegnanc y a düc chi che laora tla scora na buna concluiun dl ann de scora y de beles vacanzas miritades.

Invit al peregrinaje dla Uniun dles Porsones Vëdues y Sores dla Val Badia en jöbia, ai 24 de jügn, che pëia ia dales 7.45 da San Martin (palsa ia dal Lanz, marëna a Weißenstein y mëssa dales 14.00 cun siur degan Iaco Willeit, dales 15.00 iade a ciasa, palsa jö dal Lodenwirt). Iade y marëna costa 55 euro. Anunziesse dan i 20 de jügn pro la rapresentanta de osc paisc.

SAN MARTIN

I tignun en domënia, ai 20 de jügn, la prozesciun ex voto söla crusc, pian ia dala Cialciara sura Fornacia dales 13.30. I orun to pert, ince deach'al é tomé fora en pert les prozesciuns di dis dles crusc, por reingrazié y perié do l'aiüt de Chël Bël Dî sön nosc tru tl dagní.

I jogh lascia odëi sön le paiun a San Martin n valgönes partides dl campionat Euro 2021: Francia-Germania ai 15.06 dales 21.00; Talia-Svizera ai 16.06 dales 21.00; Portugal-Germania ai 19.06 dales 18.00; Talia-Galles ai 20.06 dales 18.00; Portugal-Francia ai 23.06 dales 21.00. Recordësse da se tó do le mascherot. Düc é dër bel invia.



I periun do l'intenziun dl Papa por le mëis de jügn

I periun por i jogh y les jones che s'arjigna ca da se maridé cun le sostëgn de na comunité cristiana.

Ai dess crësce tl amur cun generosité, fedelté y paziënza.



www.valbadiaonline.it/comunita

Plata dles Ploanies San Martin y Lungiarü

ploan Klaus Sottas 344 15 54 055 - klsottas@valbadia

siur curat Heinrich Perathoner 339 65 74 213

redaziun: anton.gasser@rolmail.net - 348 27 44 517 / 0474 523 194



13.06. - 20.06.21 nr. 29

FESTA DL CÖR DE GEJÚ - B

Vangele do Jan 19,31-37

Canch' ai ê rovà da Gejù
y â odü ch'al ê bele mort,
ne ti ài nia rot les iames,
mo un di soldas ti à fiécé
la lanza tl costà y atira él
rogorü fora sanch y ega.
Y chël che à odü chësc,
à dè testimonianza,
y süa testimonianza é vëi.
Al sa ch'al cunta cí che é vëi,
ch'i cherdëise inçe os.
Deache chësc é sozedü, por che
la parora dla Scritöra s'adempliss:
An ne dess ti rumpì degun ôs.
Y te n ater post dij la Scritöra:
Ai ciararà sön chël che ai à traficé.



Sc'al vëgn dit de zacai ch'al á n bun cör, spo minunse so amur, süa bunté, süa misericordia. Al é cualités chëstes che á süa fondamënta tl funz dl cör. Le cör de Gejù é n simbol tan sterch de süa personalité, che la Dlijia á fat adinfora na festa:

"Chël Bel Dî ti á orü tan bun al monn, ch'al á dé ca so Fi su" (Jan 3.16).

Söla crusc é la dediziun de Gejù rovada ala colm canche un di soldas ti á daurí so cör cun na lanza.

Insciö á Chël Bel Dî instës daurí so cör por nos.

Tl cör traficé de Gejù Crist él Chël Bel Dî che s'oj pomez a nos.

Chësta verité dla bunté y dla misericordia de Dî él la Festa dl Cör de Gejù che ó descedé danü te nosta cosciënza.

EDEMA	SAN MARTIN	LUNGIARÜ	 Renovaziun dl'alianza cun le Cör de Gejú Insciö dij le Signur: Chësta sará l'alianza, ch'i stlúji jö cun os: I mēti mia lege ite te os y la scríi sō te osc cör. Iō sará osc Dî, y os sarëis mi popul. (<i>Jeremia 32,33</i>) Signur Gejú Crist, por to amur ala jënt este diventé porsona umana. Te döt cant, ater co tl picé, aste partí cun nos la vita. Mantignin tüa fedelté tl amur cina ala mort, aste despaie jö cun tüa crusc y pasciun nosta colpa. To cör davert é la fontana da chëra ch'al rogor le sanch dl'alianza nöia y l'ega dla vita. A te s'á afidé nüsc peri y tö i as delibré da de gran tribulaziuns. Porchël gnunse plëgns de confidënza da te y te periun: Oj to amur ince sön nos. Dasse la forza da se tigní a tüa alianza che nes liëia a te. Benedësc nos, nostes families y nosta tera. Renfórzesse söl tru dl bëgn y dëidesse scombate le mal. Fá ch'i podunse te sorví tla iustizia y tla pesc. Dásse to Spirit ch'i laurunse y mantignunse do tüa orenté la tera che te nes as scinché por patria, ch'i viunse tla fede y ch'i la dunse inant sciöche arpejun preziosa a nüsc descendënc. Do chësc te periunse por l'amur de to cör, a chël ch'i s'afidun sëgn y por l'eternité. Amen.
13.06.21 FESTA CÖR DE GEJÚ - B <i>Sant Antone da Padua</i>	7.45 Adoraziun al Cör de Gejú 8.15 Mëssa solëna por la comunité dl ann + Rosalia Chizzali Ploner a d'intenziun	9.30 Mëssa solëna por la comunité dedô: Prozesciun eucaristica y renovaziun dl'alianza cun le Sacher Cör 15.00 Corona tla capela de S. Ojöp Fr.	
14.06.21 Lönesc <i>Meinrad, Fortunat</i>			
15.06.21 Dedolönesc <i>Vitus (Vi), Germana</i>	19.00 Mëssa dl ann + Sepl Trebo, Pension Tor + Corrado Castlunger + Nando Flöss de Fles (dl ann)		
16.06.21 Dedemesaledema <i>Benno, Iustina</i>		9.30 Mëssa de conclujiun dl ann de scora ma cun les scolares y i scolars les maestres y i maestri	
17.06.21 Jöbia <i>Rainer, Adolf</i>	7.30 Mëssa vis y def. Prousch y Perathoner a d'intenziun Corona por Vocaziuns		
18.06.21 Vëndres <i>Felize, Simplize</i>	18.30 Adoraziun chîta 19.00 Adoraziun al Cör de Gejú	7.30 Mëssa + + Pire Unterweger y Zelestina Turati a d'intenziun	
19.06.21 Sabeda <i>Romuald, Elisabeta, Iuliana</i>	19.30 Mëssa prefestia (cun siur Klaus) dl ann + Berta Kofler de reng. fam. Lois y Stina Clara	18.00 Mëssa prefestia por fam. de Reinhold Sorà por families de Angel Sorà dl ann + Franz Clara, mone + + Monica y Mattia Clara	
20.06.21 12ª DOMËNIA - ann B	9.00 Corona 9.30 Gran Mëssa por la comunité cun benedisciun dl tēmp de rengraziamënt 13.30 Prozesciun ex voto sōla Crusc <i>dala Cialciara demez</i>	7.55 Corona 8.15 Gran Mëssa por la comunité cun benedisciun dl tēmp a d'intenziun en onú de Sant Antone 15.00 Corona tla capela de S. Ojöp Fr.	